

Klub SDP BiH
Zastupnica Jelena Pekić
Zastupnica Belma Kapo

Sarajevo, 27.02.2024. godine

ZA:
BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo

U skladu sa članom 106. i 213. Poslovnika o Skupštine Kantona Sarajevo, dostavljam:

ZASTUPNIČKA INICIJATIVA

Prema Klinički centar Univerziteta u Sarajevu

Da se uspostavi usluga bezbolnih ginekoloških intervencija i bezbolnih prirodnih poroda za svaku ženu, te da bolnica u svoj protokol uvede pisanu proceduru za navedenu uslugu.

OBRAZLOŽENJE:

Prema iskustvima pacijenata i osoblja zdravstvenih institucija na području Kantona Sarajevo, najveći broj ginekoloških procedura u većini ustanova u Kantonu Sarajevo rade se "na živo" (kiretaža, pobačaj, aspiracija, porod, epiziotomija ili šivanje međice nakon poroda). U većini razvijenih zemalja sama ova činjenica bi rezultirala nizom tužbi prema ustanovama koje ne žele pružiti ili pružaju uslugu anestezije/analgezije prilikom ginekoloških intervencija samo u pojedinim slučajevima.

Svi ovi postupci se nad ženama izvode bez ikakvog objašnjenja o tome da taj postupak boli i da imaju opciju anestezije. Ne postoje okolnosti u kojima se smatra prihvatljivim da osoba doživi neliječenu, snažnu bol, podložnu sigurnoj intervenciji, dok se nalazi pod liječničkom skrbi. Način na koji postupamo sa našim majkama, suprugama, kćerkama za vrijeme poroda je u direktnoj korelaciji sa socijalnim i ekonomskim blagostanjem jedne zajednice, odnosno društva.

Npr. kiretaža se najčešće radi u „lokalnoj anesteziji“ što ni u kom slučaju ne može biti dovoljna anestezija. Sa druge, strane bol kod poroda smatra se jednom od najjačih boli. Porod je kompleksan i individualan proces, a želje žena za analgezijom su različite. Bol je individualna te će intenzitet iste koji je nekoj ženi prihvatljiv drugoj stvoriti traumu za život.

Prema deklaraciji Svjetske Zdravstvene organizacije (WHO) iz 2001. godine svaka žena ima pravo na bezbolan porod, kao i na odbijanje sedacije ako želi aktivno sudjelovati u vođenju i dovršetku svoga poroda.

Prema dostupnim informacijama u razvijenim zemljama (poput SAD-a) procenat analgezije prilikom poroda je 66-82%, a u nerazvijenim zemljama (afričke zemlje) oko 2%. Nažalost, procenat analgezije u našoj zemlji je ispod prosjeka afričkih zemalja. Razlozi su brojni: nedovoljna zainteresovanost menadžmenta za provođenje datih procedura, nedostatak edukativnih programa za osoblje (anesteziolog, babica, ginekolog), nedostatak opreme, te nedovoljna informisanost pacijentica za data zakonska prava.

Stoga tražimo od ustanove da kroz jasne procedure i transparentne korake učine dostupnim usluge analgezije (npr. ambulantne procedure kao što je kiretaža ne zahtijevaju posebnu edukaciju nego isključivo reorganizaciju posla, dok usluge bezbolnog poroda zahtijevaju dodatnu edukaciju i reorganizaciju posla).

Cilj nam je da bezbolan porod bude dostupan svakoj ženi, i da bolnica u svoj protokol uvede pisanu proceduru za navedenu uslugu.

Molim vas da odgovor na inicijativu dostavite pismeno u elektronskoj formi na službeni mail jelena.pekic@skupstina.ks.gov.ba i belma.kapo@skupstina.ks.gov.ba.

S poštovanjem,


Zastupnica u Skupštini Kantona Sarajevo


Zastupnica u Skupštini Kantona Sarajevo